

dodjele finansijskih resursa. Rodno budžetiranje predstavlja sagledavanje javnih politika na svim nivoima budžetskog procesa i restrukturiranje prihoda i rashoda kako bi se uzele u obzir potrebe i prioriteti različitih grupa žena i muškaraca imajući u vidu njihove različite uloge u porodici, ekonomiji i društvu. Rodno budžetiranje uključuje dva osnovna koraka: rodnu analizu budžeta i njeno provođenje kroz preraspodjelu budžeta. Rodnom analizom budžeta razvrstavaju se troškovi i prihodi naspram njihovog različitog utjecaja na žene i muškarce i time se uočavaju mjesta gdje su sakupljanje i distribucija državnog novca nepravedni.

Općinski načelnik

Na osnovu člana 15. Zakona o principima lokalne samouprave u Federaciji BiH ("Službene novine Federacije BiH", br. 49/06 i 51/09), člana 10. Zakona o udruženjima i fondacijama ("Službene novine Federacije BiH", broj 45/02) i čl. 25 i 69. Statuta Općine Centar Sarajevo ("Službene novine Kantona Sarajevo", broj 23/04), postupajući po zahtjevu Udruženja civilnih žrtava rata općine Centar, općinski načelnik donosi

RJEŠENJE

O DAVANJU ODOBRENJA ZA UNOŠENJE NAZIVA "OPĆINA CENTAR SARAJEVO" U NAZIV UDRUŽENJA

I

Odobrava se upotreba naziva "Općina Centar Sarajevo" u nazivu Udruženja civilnih žrtava rata općine Centar, skraćeni naziv "UCŽR-a", sa sjedištem u Sarajevu, ulica Čemaluša broj 1.

II

Upotreba naziva odobrava se kako je utvrđeno tačkom I ovog rješenja i ne može se prenositi niti koristiti u druge svrhe.

III

Podnosilac zahtjeva je dužan obavijestiti Općinu Centar Sarajevo o svim statusnim promjenama Udruženja civilnih žrtava rata općine Centar.

IV

Općina Centar Sarajevo ne preuzima finansijske niti druge vrste obaveza prema Udruženju civilnih žrtava rata općine Centar.

V

Ovo rješenje objavit će se u "Službenim novinama Kantona Sarajevo".

Broj 09/B-45-54/23
23. januara 2023. godine
Sarajevo

Općinski načelnik
Srdan Mandić, s. r.

Na osnovu člana 10. Zakona o udruženjima i fondacijama ("Službene novine Federacije BiH", broj 45/02) i člana 69. Statuta Općine Centar Sarajevo-prečišćeni tekst ("Službene novine Kantona Sarajevo", broj 23/04), općinski načelnik donosi

RJEŠENJE

O DAVANJU ODOBRENJA ZA UNOŠENJE NAZIVA "OPĆINA CENTAR SARAJEVO" U NAZIV UDRUŽENJA

I

Odobrava se upotreba naziva Općina Centar Sarajevo u nazivu UDRUŽENJE "DEMOBILISANI BORCI" OPĆINE CENTAR SARAJEVO, skraćeni naziv U DB OPĆINE

CENTAR SARAJEVO, sa sjedištem u Sarajevu, ulica Čemaluša I/II.

II

Upotreba naziva, odobrava se kako je utvrđeno u tački I ovog rješenja i ne može se prenositi niti koristiti u druge svrhe.

III

Podnosilac zahtjeva je dužan obavijestiti Općinu Centar Sarajevo o svim statusnim promjenama Udruženja.

IV

Općina Centar Sarajevo ne preuzima finansijske niti druge vrste obaveza prema Udruženju iz stava I ovog rješenja.

V

Ovo rješenje objavit će se u "Službenim novinama Kantona Sarajevo".

Broj 09/A-45-46/23
19. januara 2023. godine
Sarajevo

Općinski načelnik
Srdan Mandić, s. r.

Na osnovu člana 69. Statuta Općine Centar Sarajevo, prečišćeni tekst ("Službene novine Kantona Sarajevo", broj 23/04) i člana 24. i 26. Odluke o izvršavanju Budžeta Općine Centar Sarajevo za 2023. godinu ("Službene novine Kantona Sarajevo", broj 02/23), a u skladu sa Odlukom o utvrđivanju kriterija za korištenje sredstava tekuće rezerve (broj 10-49-2195/15 od 15.11.2015. godine), opštinski načelnik donosi

ZAKLJUČAK

Raspoređuju se sredstva tekuće rezerve Budžeta Općine Centar Sarajevo za 2023. godinu u iznosu 1.000,00 KM na ekonomski kod 614231-18, funkciju 1090, fond 012, projekt TP4-3 za jednokratnu novčanu pomoć licu u stanju socijalne potrebe - troškovi liječenja.

Transfer sredstava će se izvršiti na transakcijski račun korisnika.

Korisnik sredstava Pašić Dženana je obavezan dostaviti Službi za boračko-invalidsku i socijalnu zaštitu Općine Centar Sarajevo detaljan izvještaj sa svom potrebnom dokumentacijom o namjenskom utrošku sredstava u roku od 30 dana od dana realizacije projekta, a najduže do 31.12.2023. godine.

Zadužuje se Služba za finansije Općine Centar Sarajevo za finansijsku realizaciju ovog zaključka.

Zaključak o rasporedu tekuće rezerve stupa na snagu danom potpisivanja, a objavit će se u "Službenim novinama Kantona Sarajevo".

Broj 09/B-11-653/23
26. januara 2023. godine
Sarajevo

Opštinski načelnik
Srdan Mandić, s. r.

OPĆINA ILIDŽA

Općinsko vijeće

Na osnovu člana 25. stav (8) i člana 39. stav (2), Zakona o prostornom uređenju Kantona Sarajevo ("Službene novine Kantona Sarajevo", broj 24/17, 1/18), te članova 19. i 28. Statuta Općine Ilidža ("Službene novine Kantona Sarajevo", broj 33/10 - Prečišćeni tekst, 18/16), Općinsko vijeće Općine Ilidža, na 20. redovnoj sjednici održanoj dana 02. 02. 2023. godine, donijelo je

ODLUKU
O USVAJANJU REGULACIONOG PLANA "BUTMIR"
-IZGRADNJA ZELENIH POVRŠINA UZ DJEČIJA I
REKREATIVNA IGRALIŠTA -
/SKRAĆENI POSTUPAK/

Član 1.

Usvajaju se Izmjene i dopune Regulacionog plana "Butmir", izgradnja zelenih površina uz dječija i rekreativna igrališta, i reorganizacija planiranih parcela za izgradnju individualnih stambeno-poslovnih objekata, po skraćenom postupku (u daljem tekstu: Plan).

Član 2.

Plan se sastoji od tekstualnog i grafičkog dijela.

Tekstualni dio sadrži:

- Odluku o provođenju Plana
- Tekstualno obrazloženje Plana

Grafički dio sadrži:

- Urbanizam prezentiran na odgovarajućem broju tematskih karata
- Analitičku obradu građevinskih parcela
- Idejno rješenje saobraćaja
- Idejno rješenje hortikulture
- Idejno rješenje snabdijevanje vodom i odvodnja i tretman otpadnih voda
- Idejno rješenje elektroenergetike
- Idejno rješenje energetike

Član 3.

Po jedan primjerak ovjerenog elaborata nalazi se na stalnom javnom uvidu i čuva se u Općini Ilidža - Služba za prostorno uređenje i Zavodu za planiranje razvoja Kantona Sarajevo.

Član 4.

Ova Odluka stupa na snagu osmog dana od dana objavljivanja u "Službenim novinama Kantona Sarajevo".

Broj 01-02-536/23-1a

02. februara 2023. godine

Ilidža

Predsjedavajući

Tarik Stambolić, s. r.

Na osnovu člana 25. stav (8) i člana 39. stav (2), Zakona o prostornom uređenju Kantona Sarajevo ("Službene novine Kantona Sarajevo", broj 24/17, 1/18), te članova 19. i 28. Statuta Općine Ilidža ("Službene novine Kantona Sarajevo", broj 33/10 - Prečišćeni tekst, 18/16), Općinsko vijeće Općine Ilidža, na 20. redovnoj sjednici održanoj dana 02.02.2023. godine, donijelo je

ODLUKU
O PROVOĐENJU REGULACIONOG PLANA
"BUTMIR"
- IZGRADNJA ZELENIH POVRŠINA UZ DJEČIJA I
REKREATIVNA IGRALIŠTA -
/SKRAĆENI POSTUPAK/

Član 1.

Ovom Odlukom utvrđuju se uslovi korištenja, izgradnje, uređenja i zaštite prostora i način provođenja Izmjena i dopuna Regulacionog plana "Butmir" - izgradnja zelenih površina uz dječija i rekreativna igrališta, i reorganizacija planiranih parcela za izgradnju individualnih stambeno-poslovnih objekata, zatim granice Izmjena i dopuna, urbanističko-tehnički uslovi za izgradnju građevina, uslovi za uređenje građevinskog zemljišta, uređenje zelenih i slobodnih površina, te odnosi prema postojećim objektima.

Član 2.

Granica obuhvata polazi od tačke br.1 koja se nalazi na parceli k.č. 1672, a ima koordinate y=6527000, y=4852790, potom produžava na sjeverozapad idući međom parcele k.č. 1271/10 (obuhvata je) i dolazi u tačku br.2 koja se nalazi na međi između parcela k.č. 1271/5 i 1271/10, a ima koordinate y=6526894, x=4852844. Granica potom skreće na sjever sijekući parcele k.č. 1271/10, 719/1, te nastavlja u istom pravcu obuhvatajući parcele k.č. 719/2, 719/13 i dolazi do tačke br.3 koja ima koordinate y=6526930, x=4852913, granica se lomi u pravcu jugoistoka idući međom parcele k.č. 708 (obuhvata je) te dolazi do tačke br.4 koja se nalazi na parceli k.č. 1672, a ima koordinate y=6527017, x=4852871, nastavlja na jug idući putem k.č. 1672 i dolazi do mjesta odakle je opis granice i počeo.

Sve gore navedene parcele se nalaze u K.O. Butmir, općina Ilidža.

Površina obuhvata iznosi P=0.87 ha.

Član 3.

Izgradnja na ovom području vršiće se na osnovu Izmjena i dopuna Plana.

Član 4.

U sklopu obuhvata Izmjena i dopuna Plana preuzeta je već definisana namjena zona individualnog stanovanja kao pretežna namjena.

Član 5.

Urbanističko-tehnički uslovi za izgradnju zelene površine uz dječija i rekreativna igrališta:

- Maksimalni gabariti planirane sportske univerzalne plohe definisani su na grafičkom prilogu broj 07: Urbanističko rješenje.
- Prostor predviđen za izgradnju rekreativnog i dječijeg igrališta treba da bude ograđen zaštitnom transparentnom ogradom.
- Sportska ploha treba biti neovisna i sa specifičnim rutama kretanja i manipulativnim prostorom koji bi trebao biti jasno izdvojen od dječije igrališne zone.
- Na građevinskoj parceli planiranoj za izgradnju dječijeg igrališta, moguće je planirati zone s površinama za igre s pravilima za djecu starijih uzrasta (tinejdžere 14-16 godine), timske igre, vještačke stijene za penjanje, ploha za rolanje, skejt park ili rampe, i sl.
- U dječijem igralištu trebaju biti zastupljeni sadržaji koji utječu na razvoj fizičkih, kognitivnih, emocionalnih vještina te na razvoj socijalnih vještina.
- Materijalizacija sadržaja i površinska obrada staza i površina treba da je uglavnom od prirodnih materijala (drvo, kamen, uže, trava, popločanje i sl.), sa što manje vještačkih elementa (plastika, asfalt, beton i sl.).
- Izradom Idejnog/Izvedbenog projekta univerzalnog i dječijeg igrališta odrediti će se tačna pozicija svih elemenata, kao i njihova namjena, a sve prema potrebama i datim uslovima terena.
- Sav planirani sadržaj unutar obuhvata mora biti isprojektovan i izveden prema Uredbi o uređivanju i održavanju zelenih i rekreativnih površina u Kantonu Sarajevo ("Službene novine Kantona Sarajevo", broj 52/20).
- Zelenilo treba da čini minimalno 35 % od ukupne površine građevinske parcele, s tim da u njegovom

sastavu dominiraju elementi prve vegetacione etaže (stabašice) u odnosu na elemente druge i treće vegetacione etaže (grmlje i trava) u omjeru 70/30%, zbog stvaranja ugodnog mikroklimata (hlad).

- Nivelacione kote pješačkog ulaza u odnosu na saobraćajnicu - ulicu utvrdit će se na osnovu nivelacionih kota saobraćajnica datih u Planu.
- Priključke na mrežu komunalne infrastrukture treba u svakom konkretnom slučaju projektovati u skladu sa Planom (važećim tehničkim normativima) na osnovu faza komunalne infrastrukture koje su sastavni dio Plana.

Urbanističko-tehnički uslovi za reorganizaciju planiranih parcela za izgradnju individualnih stambeno-poslovnih objekata:

- Građevinske linije utvrđene Izmjenom Plana su maksimalne, te arhitektonsko-oblikovni elementi (doksati, konzolni prepusti i istaci, nadstrešnice...), moraju biti realizovani u okviru pripadajuće građevinske linije.
- Građevinska linija podrumске etaže može biti veća od građevinske linije osnovnog gabarita objekta, ali samo na dijelu koji je cijelom površinom ukopan u odnosu na uređeni teren. Udaljenost građevinske linije podruma u odnosu na susjednu parcelu je minimalno 1.0 m, zbog mogućnosti realizacije zaštitne građevinske jame. Kod realizacije navedene podrumске etaže voditi računa da se ne ugrozi stabilnost objekata na susjednim parcelama.
- Planirana spratnost, odstojanje objekta, građevinske i regulacione linije utvrđene su Izmjenama i dopunama Plana, naznačene u grafičkim priložima i ne mogu se mijenjati osim u slučajevima koji su propisani ovom odlukom;
- Minimalno učešće prirodnog terena hortikulturno uređenog u okviru građevinske parcele treba da čini minimalno 30 %.
- Parkiranje/garažiranje za novoplanirane objekte obezbijediti na pripadajućoj građevinskoj parceli, ili unutar gabarita objekata, a sve u skladu sa važećim normativima:
 - Za planiranu stambenu izgradnju: 1 stan - 1.1 parking mjesto,
 - Za poslovne sadržaje 1 parking mjesto na svakih 60m² poslovnog prostora.
- Koeficijent izgrađenosti predmetnih parcela utvrđen je i prezentiran u tekstualnom obrazloženju Izmjena i dopuna Plana.
- Nivelacione kote pješačkog ulaza u odnosu na saobraćajnicu - ulicu utvrdit će se na osnovu nivelacionih kota saobraćajnica datih u Planu.
- Priključke na mrežu komunalne infrastrukture treba u svakom konkretnom slučaju projektovati u skladu sa Planom (važećim tehničkim normativima) na osnovu faza komunalne infrastrukture koje su sastavni dio Plana.

Član 6.

- Aktivnosti na realizaciji i uređenju zelenih površina objekata stanovanja, univerzalnog i dječijeg igrališta, bazirati na adekvatnoj tehničkoj dokumentaciji, tj. Idejnim/Izvedbenim projektima hortikulture, koji su sastavni dio Projektne dokumentacije za izgradnju

igrališta i objekata, a treba da su urađeni u skladu sa smjernicama ovog Plana.

- Projekti moraju biti urađeni od strane stručnog i odgovornog lica i /ili registrovane firme za projektovanje zelenih površina.
- Radovi na uređenju hortikulture moraju biti završeni prije tehničkog prijema i otvaranja igrališta. Tehnički prijem arhitektonskih i drugih objekata podrazumijeva i prijem izvedenih radova na uređenju zelenih površina.
- Sadni materijal odabranih vrsta, prvenstveno dendroflora, ali ostalih elemenata biološke komponente (perene, sezonsko cvijeće i trava) moraju biti visokog kvaliteta, rasadnički odnjegovane uz obavezan certifikat, te osim parametrima: uzrastom, razvijenošću debla, krošnje i korijenovog sistema moraju odgovarati mikrostanišnim uslovima sa mogućnošću njege u prvim godinama nakon sadnje.
- Prilikom izgradnje igrališta, staza i sl., treba skidati sloj plodnog zemljišta i koristiti ga kod formiranja zelenih površina svih kategorija u obuhvatu Plana, ali i šire.

Član 7.

Uređenje građevinskog zemljišta se mora izvesti u obimu i na način kako je to predviđeno Izmjenama i dopunama Plana.

Izgradnja građevina kao i univerzalne plohe i dječijeg igrališta ne može započeti bez prethodnog minimalnog uređenja građevinskog zemljišta, pod čime se podrazumijeva obezbjeđenje saobraćajnog pristupa parceli, priključenje na vodovodnu, kanalizacionu i elektroenergetsku mrežu, eventualno izmještanje vodova komunalne infrastrukture, te potrebnih radova na stabilizaciji terena.

Izgradnja građevina ne može započeti prije uklanjanja objekata predviđenih za rušenje. Izuzetno se ovi objekti mogu koristiti za potrebe gradilišta, ali se isti moraju ukloniti prije tehničkog prijema građevine. Privremeno korištenje građevinskog zemljišta koje nije privedeno krajnjoj namjeni se ne može odobriti.

Član 8.

Sistem upravljanja otpadom u obuhvatu Plana mora funkcionisati u skladu sa odredbama Zakona o komunalnoj čistoći ("Službene novine Kantona Sarajevo", br. 14/16, 34/16, 19/17, 20/18, 22/19), kao i drugih zakonskih i podzakonskih akata iz predmetne oblasti.

Sistem upravljanja otpadom u obuhvatu Plana uspostaviti u skladu sa usmjerenjima Elaborata o lokacijama reciklažnih dvorišta, niša i zelenih otoka sa lociranjem u prostorno-planskoj dokumentaciji i investicijskim planom općine Ilidža, kojim je definisan koncept prikupljanja i tehničke smjernice za projektiranje infrastrukture za prihvatanje otpada.

Obzirom na prostorne mogućnosti u obuhvatu Plana, postupak prikupljanja i odvajanja otpada radi ponovne upotrebe i/ili reciklaže za individualne objekte nužno je vršiti uspostavljanjem dvolinijskog sistema prikupljanja otpada na način da im se dodijele posude-kante za suhu (papir, plastična, metalna i staklenu ambalaža) i mokru (ostali miješani otpad) frakciju, čija će veličina zavisiti od količine proizvedenog otpada i učestalosti odvoza otpada.

Pravni subjekti su dužni imati vlastite posude za prikupljanje otpada, te u skladu sa zakonskim propisima razdvajati i odvojeno skladištiti otpad na mjestu nastanka (sklopiti odgovarajući ugovor ili sporazum sa ovlaštenim operatorom koji će preuzeti daljnju brigu o otpadu) i pri izradi investiciono-tehničke dokumentacije predvidjeti lokaciju na kojoj će biti postavljene posude za prikupljanje otpada.

Na uređenim zelenim površinama, sportskim terenima i sadržajima za rekreaciju postaviti zelene otoke manjih kapaciteta koji će se uklapati u prirodni ambijent i koji će činiti set korpi u kojima će se odvajati papir, staklo, plastika i miješani otpad.

Član 9.

Uslovi za sklanjanje stanovništva i materijalnih dobara moraju biti obezbijeđeni u skladu sa odredbama Zakona o zaštiti i spašavanju ljudi i materijalnih dobara od prirodnih i drugih nesreća ("Službene novine Federacije BiH", broj 39/03) i odredbama Uredbe o mjerilima, kriterijima i načinu izgradnje skloništa i tehničkim normativima za kontrolu ispravnosti skloništa ("Službene novine Federacije BiH", broj 21/05).

Član 10.

Izgradnja objekata privremenog karaktera može se odobriti isključivo za potrebe gradilišta, a u skladu sa članom 64. Zakona o prostornom uređenju Kantona Sarajevo ("Službene novine Kantona Sarajevo", broj 24/17, 1/18).

Član 11.

Projektna dokumentacija za realizaciju stambenih objekata, univerzalne sportske plohe i dječjeg igrališta mora biti u saglasnosti sa preporukama vezanim za konstruktivne elemente građevina i radova na okolnom terenu na osnovu inženjerskogeološkog i geotehničkog izvještaja, koji treba biti urađen od strane ovlaštene firme ili institucije.

Statički proračun građevina mora se dimenzionirati za potrebe najmanje 8^o MCS.

Obim i kvalitet izvedenih radova vezanih za geoinženjerske uslove moraju biti verifikovani u okviru tehničkog prijema, a upotrebna dozvola se ne može izdati ukoliko predviđeni radovi nisu u obimu i kvalitetu zadovoljavajući.

Član 12.


U postupku donošenja urbanističke saglasnosti i odobrenja za građenje, nivelete pješačkih saobraćajnica, kao i prilazi i ulazi stambene objekte, univerzalnu plohu i dječije igralište, moraju biti isprojektovani i izvedeni prema Uredbi o urbanističko-tehničkim uslovima, prostornim standardima i normativima za otklanjanje i sprečavanje stvaranja arhitektonsko-urbanističkih barijera za kretanje invalidnih lica koja koriste tehnička i ortopedska pomagala ("Službene novine Kantona Sarajevo", broj 5/00).

Član 13.

Ova Odluka stupa na snagu narednog dana od dana objavljivanja u "Službenim novinama Kantona Sarajevo".

Broj 01-02-536/23-1b
02. februara 2023. godine
Ilidža

Predsjedavajući
Tarik Stambolić, s. r.



Na osnovu člana 25. Stav (8) i člana 34. stav (1) i člana 39. stav (2) Zakona o prostornom uređenju Kantona Sarajevo ("Službene novine Kantona Sarajevo", br. 24/17), i člana 19. i 28. Statuta Općine Ilidža - Prečišćeni tekst ("Službene novine Kantona Sarajevo", br. 33/10, 18/16), Općinsko vijeće Ilidža, na 20. redovnoj sjednici održanoj dana 02.02.2023. godine, donijelo je